

HIMNO ABELLEIRO

Tras os montes cae o solpor,
a negrura da noite cobre a terra
e o constante chirlo dos grilos guíame
a un merecido repouso nocturno.
O meu corazón tórnase anheloso.

Neste serán de outono,
moi devagar camiño cara á soleira,
alí vou contemplar o meu vello favo.
Que fermoso escoitar o seu murmurio!,
que ledicia sentir o seu recendo!

As lembranzas invaden o meu corazón
e lévanme aos meus anos mozos.

Abellas, miñas abelliñas,
as miñas mellores amigas son.
Deixalas no esquecemento... nunca!,
promételles este vello apicultor.

O meu corazón tórnase anheloso.

Neste serán de outono,
o chirlo dos grilos xa non se escoita,
con tantas acordanzas nin o tempo conta.

Que fermoso escoitar o seu murmurio!,
que ledicia sentir o seu recendo!

As lembranzas enchen o meu corazón
e lévanme aos meus anos mozos.

Abellas, miñas abelliñas,
as miñas mellores amigas son.
Deixalas no esquecemento... nunca!,
promételles este vello apicultor.

Deixalas no esquecemento... nunca!,
promételles este vello apicultor.